

# 馬陵道

中華書局

印行





A541 212 0020 8725B

## 小小說例言

一 本書文字淺顯，材料活潑，取名爲小小說，凡是已通文字的人，固然可以用牠做消遣品，就是略解字義的人，閱讀本書，也可以幫助他走上了通文的捷徑。所以本書不論在小學教育、民衆教育和家庭教育各方面，作爲國語文的補助讀物，都很適宜。

一 本書根據各種舊小說編成，取材都是最富有興趣的；並且，每種都有一個不同的封面，繪成彩圖，鮮明悅目，尤其可以助人興味。

一 舊小說向來爲社會上所歡迎，不過在故事的本身上，或者有傷風化的地方，本書對於這種材料，一概刪去；在文字上，或者有原文太深和鄙俗不堪的，本書便重加改作，使讀者既容易領悟，且不致被惡劣的文字所同化。

一 本書每寫一段故事，只取應敘的事實，其餘繁文枝節，完全刪去；至文字分段另行排列，目的是要使閱讀時容易醒目。

一 本書用三號字排印，行款疏朗，絕對沒有字迹模糊，損傷目力的弊病；小本精裝，攜帶也很便利。



馬陵道



話說周之陽城。有一處地面。名曰鬼谷。山深林密。幽不可測。內中有一隱者。自號曰鬼谷子。相傳姓王。名栩。人但稱爲鬼谷先生。其人於學無所不曉。通天徹地。變化無窮。住在鬼谷。不知年數。弟子就學者甚多。先生來者不拒。去者不追。就中單說幾個有名的弟子。齊人孫賓。魏人龐涓。張儀。洛陽人蘇秦。賓與涓結

爲兄弟。同學兵法。秦與儀結爲兄弟。同學遊說。各爲一家之學。單表龐涓學兵法。三年有餘。自以爲能。一日偶然行至山下。聽見路人傳說魏國厚幣招賢。訪求將相之才。龐涓心動。未敢遽言。先生見貌察情。早知其意。笑謂龐涓曰。汝時運已至。何不出山求取富貴。龐涓聞先生之言。正中其懷。跪而請曰。弟子正有此意。未審此行可得意否。先生曰。汝往摘山花一枝。吾爲汝占之。龐涓下山尋取山花。此時正是六月天。

氣。百花開過。沒有山花。尋了多時。祇覓得草花一莖。連根拔起。忽想此花氣質微弱。不成大器。棄擲於地。又去尋覓一回。却無他花。只得轉身將先前所取草花藏於袖中。來見先生。僞言山中沒有花。先生曰。既沒有花。袖中何物。涓不能隱。只得取出呈上。其花離土。又經日光。已半萎矣。先生曰。汝知此花之名乎。乃馬兜鈴也。一開十二朶。爲汝榮盛之年數。採於鬼谷。見日而萎。鬼傍加委。汝之出身。必在魏國。龐涓暗暗

稱奇。先生又曰。但汝不合妄言欺人。他日必以欺人  
之事。還被人欺。不可不戒。吾有八字。汝當記取。一遇  
羊而榮。遇馬而瘁。一龐涓再拜曰。吾師指教。敢不謹  
守。臨行。孫賓送至山下。龐涓曰。此行倘有進身之階。  
必當舉薦吾兄。同立功業。孫賓曰。吾弟此言果真否。  
涓曰。弟若謬言。當死於亂箭之下。賓曰。多謝厚情。何  
須重誓。兩下揮淚而別。孫賓還山。先生見其面有淚  
容。問曰。汝惜龐涓之去乎。賓曰。同學之情。何能不惜。

先生曰。汝以爲龐涓之才。堪爲大將否。賓曰。久受先生教訓。自成大才。先生曰。全未全未。賓大驚。請問其故。先生不言。至次日。謂弟子曰。我夜間惡聞鼠聲。汝等輪流守夜。爲我驅鼠。衆弟子如命。其夜輪當孫賓守夜。先生於枕下取出一書。謂賓曰。此乃汝祖孫武子兵法十三篇。昔汝祖獻於吳王。吳王用其策。大破楚師。吾向於汝祖有交。求得其書。親爲注解。行軍祕要。盡在其中。今見子心術忠厚。特以付子。賓携歸臥。

室。晝夜研讀。三日之後。先生遽向孫賓索取原書。賓出諸袖中。先生逐篇盤問。賓對答如流。一字不遺。先生喜曰。子用心如此。不愧爲武子之孫矣。再說龐涓別了孫賓。逕入魏國。有人薦於魏王。魏王召見龐涓。入朝之時。正值庖人進蒸羊。涓暗喜曰。吾師言遇羊而榮。斯言驗矣。魏王見龐涓一表人物。迎而禮之。龐涓再拜。魏王賜坐。叩以兵學。涓對答如流。魏王大悅。拜爲元帥兼軍師之職。時有宋人墨翟。雲遊天下。專



以濟人利物爲心。名聞諸侯。與鬼谷子素來交好。是日來至鬼谷。一見孫賓。與之談論。深相契合。謂賓曰。子學業已成。何不出取功名乎。賓曰。吾有同學龐涓。出仕於魏。相約得志之日。必相援引。吾是以待之。墨翟曰。吾爲子入魏探之。墨翟辭去。既至魏國。聞龐涓大言不慚。知無援引朋友之意。乃求見魏王。魏王素聞墨翟之名。以禮相待。欲任以官職。墨翟固辭曰。臣知有孫武子之孫名賓者。真大將之才。現今隱於鬼

谷大王何不召之。魏王曰。孫賓學於鬼谷。乃是龐涓同門。卿謂二人所學孰勝。墨翟曰。二人雖是同學。然賓獨得乃祖秘傳。雖天下無其對手。況龐涓乎。墨翟辭去。魏王卽召龐涓。問曰。聞卿同學有孫賓者。才高學廣。何不爲寡人召之。龐涓對曰。臣非不知孫賓之才。但賓是齊人。宗族皆在於齊。今若仕魏。必先齊而後魏。臣是以不敢進言。魏王曰。士爲知己者死。豈必本國之人。方可用乎。龐涓對曰。大王旣欲召孫賓。臣

卽當作書致之。遂修書一封。呈上魏王。魏王用駟馬高車。黃金白璧。遣人帶了龐涓之書。一逕到鬼谷來。聘請孫賓。孫賓將書呈於鬼谷先生。先生知龐涓已得大用。今番致書孫賓。但言已薦於魏王。請卽赴召。共圖功業等語。竟無一字問候其師。此刻薄忘本之人。不足計較。亦使孫賓取山花一枝。卜其休咎。時九月天氣。賓見先生案上。瓶中供有黃菊一枝。遂拔以呈上。卽時復歸瓶中。先生乃斷曰。此花現被殘折。不

爲完好。然性耐歲寒。經霜不落。雖有殘害。不爲大凶。供養瓶中。爲人愛重。但再經提拔。恐一時未能得意。仍歸舊瓶。汝之功名。終在故土。吾爲汝增改其名。可圖進取。遂將孫賓賓字。左邊加月爲膾。臨行又授以錦囊一個。屬其必遇至急之時。方可開看。孫膑領命。拜辭先生。隨魏使者下山。登車而去。行至魏國。見了龐涓。申謝舉薦之恩。涓有德色。膑又述鬼谷先生改賓爲膑之事。涓驚曰。膑非佳語。何以改易。膑曰。先生

所命不敢違也。次日同入朝。謁見魏王。王降階相迎。其禮甚恭。卽日拜爲客卿。賜第一區。亞於龐涓。自此孫龐頻相往來。交誼甚篤。龐涓常想孫臏受有先生秘傳。未見吐露。必須用意探之。遂設席請酒。酒中談及兵法。孫臏對答如流。乃問曰。此非令祖孫武子兵法所載乎。臏全不疑慮。對曰。然也。涓便求借觀。臏曰。此書經先生注解。與原本不同。先生止付看三日。便卽取去。亦無錄本。涓曰。兄還記得否。臏曰。依稀尙能。

記憶。涓心中欲便求傳授。只是一時難以逼迫。過數日。魏王欲試孫臧之才。乃閱武教場。令孫龐二人各演陣法。龐涓所布陣法。孫臧一見便知。孫臧排成一陣。龐涓茫然不識。私問於孫臧。臧曰。此顛倒八門陣也。涓曰。有變乎。臧曰。攻之則變。爲長蛇陣。龐涓卽將陣法先報魏王。已而魏王問孫臧所對相同。魏王以龐涓之才不弱於孫臧。心中大喜。惟是龐涓回府。思想孫臧之才大勝於吾。若不除之。必有後患。心生一

計於相會之時。私叩孫臧曰。吾兄宗族俱在齊國。何不遣人迎來。同享富貴。孫臧垂淚言曰。吾父母早喪。家中曾遭患難。宗族離散。叔父孫喬與從兄孫平。孫卓均不知下落。後來吾在鬼谷先生門下求學數年。家鄉杳無音信。尙何有宗族哉。涓曰。然則兄長還憶故鄉墳墓否。臧曰。人非草木。豈忘本根。先生於吾臨行。亦言功名終在故土。今已作魏臣。此話不須提起矣。龐涓探了口氣。佯應曰。兄言甚當。大丈夫隨地立

功何必故鄉也。當日所言。孫臏並不在意。約過半年。一日朝罷方回。忽有一漢子似同鄉口音。來府探問。孫臏喚入。叩其來歷。那人曰。小子姓丁名乙。齊國臨淄人氏。在洛陽容販。令兄有書。託某送到鬼谷。聞貴人已得仕魏朝。迂路來此。說罷。將書呈上。孫臏拆書觀之。畧謂許久離別。家道零落。苦不可言。深望早日歸鄉。骨肉相聚等語。孫臏讀之。認以爲真。不覺下淚。丁乙曰。承令兄分付。勸貴人早早還鄉。孫臏曰。吾已



仕於魏。不可造次。乃款待丁乙。付以回書。書中前面亦敘思鄉之語。後云弟已仕魏。未可便歸。俟稍有建立。然後徐圖歸鄉之計。送丁乙黃金一錠爲路費。丁乙接了回書辭去。誰知並非丁乙。乃是龐涓手下心腹人也。龐涓騙得回書。遂仿其筆跡。改後數句云。弟今雖身仕魏國。但故土難忘。心殊懸切。不日當圖歸計。倘齊王不棄。自當盡力報効。於是入朝私見魏王。將僞書呈上。言曰。孫臏有背魏向齊之心。近日私通。

齊使臣遣人搜得回書在此。魏王看畢曰：孫臏心懸故國，豈以寡人未能重用耶？涓對曰：父母之邦，誰能忘情？大王雖重用臏，臏心已戀齊，必不能爲魏盡力。且臏才不下於臣，若齊用爲將，必然與魏爭雄。此大王異日之患也。不如殺之。魏王曰：孫臏應召而來，今罪狀未明，遽然殺之，恐天下議寡人之輕士也。涓對曰：大王之言甚善，臣當勸諭孫臏，倘肯留魏國，大王重加官爵，若其不然，大王發到臣處議罪。龐涓辭了。

魏王往見孫臏。問曰：聞兄已得家報乎？孫臏是忠直之人，全不疑慮。遂應曰：果然有之。因備述書中要他還鄉之意。龐涓曰：久別思鄉人之至情，兄長何不於魏王前請假一二月歸省坟墓，然後再來？臏曰：恐王見疑，反爲不美。涓曰：兄請試之。弟當從旁力贊。臏曰：全仗賢弟之力。是夜龐涓又入見王曰：臣奉大王之命，往諭孫臏，臏不願留，且有怨望之語。若目下有表章請假，大王便可發其私通齊使之罪。魏王點頭。次

日孫臧果上表請假一月。還齊省墓。魏王見表大怒。批表尾云。孫臧私通齊使。今又告歸。顯有背魏之心。有負寡人委任之意。可削其官爵。發軍師府問罪。軍政司奉命。將孫臧拿到軍師府。來見龐涓。龐涓一見。佯驚曰。兄長何爲受此奇冤。弟當於王前力保。說罷。卽駕車來見魏王曰。孫臧雖有私通齊使之罪。然罪不至死。以臣愚見。不若刑之。使爲廢人。終身不能退歸故土。旣全其命。又無後患。豈不兩全。王曰。卿處分。

最善。龐涓辭回本府。謂孫臏曰。魏王十分忿怒。欲加兄極刑。經弟再三懇求。恭喜得全性命。但須別足。此乃魏之法度。非弟不盡力也。遂喚刀斧手將孫臏綁住。剔去雙膝蓋骨。臏大叫一聲。昏絕於地。半晌方醒。龐涓假意啼哭。以刀瘡藥敷之。用帛纏裹。使人擡至書館。好言撫慰。好食調養。約過月餘。孫臏瘡口已合。只是膝蓋既去。兩腿無力。不能行動。已成廢人。龐涓特使蒼頭二人服侍。一日三餐。供養頗厚。孫臏反覺

過意不去。龐涓乃求臏傳示鬼谷子注解孫武兵書。臏慨然應允。涓給以木簡。要他繕寫。臏寫未及十分之一。蒼頭見孫子無辜受枉。反有憐惜之意。忽龐涓召蒼頭。問孫臏繕寫。日得幾何。蒼頭曰。孫將軍長眠短坐。每日只寫二三策。龐涓怒曰。如此遲緩。何日可完。汝可與我上緊督促。蒼頭連聲諾諾而退。私問近侍曰。軍師要孫君繕寫。何必如此催迫。近侍曰。汝有所不知。軍師與孫君外雖相惜。內實相忌。所以全其

性命者。只爲欲得兵書耳。繕寫一完。便當絕其飲食。汝切不可洩漏。蒼頭聞知此信。密告孫臧。臧大驚。想道。龐涓如此無義。豈可傳此兵法。又想若不繕寫。他必發怒。吾命旦夕休矣。左思右想。欲求自脫之計。忽然想著鬼谷先生令行時。付我錦囊一個。囑於至急時開看。今其時矣。遂將錦囊啓視。乃黃絹一幅。中間寫著（詐瘋魔）三字。臧曰。原來如此。當日晚餐方設。臧正欲舉筯。忽然昏憤。作嘔吐之狀。良久。張目大

呼曰。汝何以毒藥害我。將器物悉擲於地。取所寫木簡。向火焚燒。撲身倒地。口中含糊叫罵不絕。蒼頭不知是詐。慌忙奔告龐涓。涓次日親自來看。只見孫臏痰涕滿面。伏地呵呵大笑。復睜目視涓。磕頭不已。口中叫鬼谷先生。救我孫臏一命。龐涓問蒼頭曰。這病症是幾時發的。蒼頭曰。是昨夜發起的。涓上車而去。心中疑惑不已。恐其佯狂。欲試其真偽。命左右拖入豬圈中。糞穢遍地。臏被髮覆面。倒身而臥。再使人送



酒食與之。詐云。小人哀憐先生。進此酒食。軍師不知也。孫臏怒目而罵曰。汝又來毒我耶。將酒食傾翻地下。使者又拾狗食及泥塊以進。臏取而啖之。使者還報。龐涓曰。此真中狂疾。不足爲慮矣。任其出入。自此或朝出晚歸。仍臥豬圈之內。或出而不返。宿於市井之間。龐涓惟分付地方。每日具報孫臏所在。尙不能置之度外也。齊國上卿田忌聞之。告於齊王曰。孫臏本齊人。國有賢才。而見辱於異國。大不可也。宜設計

以迎之。於是齊王使人聘於魏。密遣心腹尋見孫臏。暗載而歸。魏國地方官不見了孫臏。深恐龐涓見責。以溺死申報。龐涓信以爲真。初不疑其投齊也。孫臏離了魏境。沐浴更衣。田忌親迎於十里之外。同見齊王。齊王大喜。卽欲拜官。孫臏辭曰。龐涓多疑。不若姑隱其事。俟有用臣處。然後効力。如何。齊王從之。乃使居田忌之家。忌尊爲上客。臏欲訪孫平孫卓信息。杳不可得。方知前次家信。皆龐涓之詭計也。再說魏國

向與趙有爭地之恨。魏王命龐涓率兵伐趙。趙兵連戰俱敗。趙王乃使人求救於齊。齊王用田忌爲將。孫臏爲軍師。常居輜車之中。陰爲畫策。不顯其名。齊兵到來。田忌與龐涓對陣。涓自率一軍打入陣中。忽見一面旗上。大書軍師孫字樣。涓大驚曰。別夫果在齊國。吾中其計矣。正在危急。幸得兩路救兵。單單救出龐涓。餘軍盡死於陣中。龐涓回營。知孫臏在軍中。大懼。棄營而遁。連夜回魏國去了。魏王以龐涓先勝後

敗將功折罪。任用如故。田忌與孫臏奏凱回齊。齊王遂寵任田忌。孫臏專以兵權委之。魏既結怨於趙。趙時思報復。使人至韓。約同起兵伐魏。滅魏之日。平分魏地。韓王以偶值饑荒。期以來年。龐涓訪知此信。言於魏王曰。聞韓欲助趙攻魏。今乘其未合。宜先伐韓。以阻其謀。魏王許之。卽令龐涓爲大將。起兵伐韓。韓王遣人告急於齊。求其出兵相救。齊復用田忌爲大將。孫臏爲軍師。率兵救韓。田忌欲望韓進發。孫臏曰。

不可宜直走魏都。攻其所必救。田忌從之。乃命三軍齊向魏都進發。龐涓正在連敗韓師。進逼都城。忽接本國警報。說齊兵復入魏境。龐涓大驚。卽時傳令去韓歸魏。韓兵亦不追趕。孫臏知龐涓將至。謂田忌曰。吾軍遠入魏地。宜作弱形以誘之。今日作十萬竈。明後日以次減少。彼見軍竈日減。必謂吾軍怯戰。逃亡過半。勢必兼程而進。其氣必驕。其力必疲。吾乃可以計敗之。田忌從其計。龐涓回軍至魏境。知齊兵已過。

去遺下安營之迹。地甚寬廣。使人數其竈。足有十萬。驚曰。齊兵之衆如此。不可輕敵也。明日又至前營。查其竈。僅五萬有餘。又明日僅三萬。涓喜曰。我固知齊兵素怯。今入魏地。纔三日。士卒逃亡過半。尙敢戰乎。前此我以攻陣而敗。偶然耳。遂令軍隊兼行而進。孫臏屈指計程。日暮必至馬陵。那馬陵道在兩山之間。溪谷深狹。堪以伏兵。道傍樹木叢密。臏揀絕大一樹。留下餘樹盡皆砍倒。縱橫道上。以塞其行。將大樹向

東一面。削去樹皮。用黑煤大書六字云。（龐涓死此樹下。）上面橫書四字云。（軍師孫示。）令部將二人。各選弓弩手五千。左右埋伏。吩咐但看樹下火光起時。一齊發弩。再說龐涓一路趕來。知齊兵離此不遠。恨不一步趕著。只顧催兵速進。來到馬陵道時。恰好日落西山。天色漸黑。前軍回報有斷木塞路。難以前進。龐涓怒曰。此齊兵畏吾躡其後。故設此計耳。正要指麾軍士開路。忽擡頭看見樹上隱隱有字。昏黑

難辨卽命取火照之。衆軍士一齊點起火來。龐涓於火光之下。看得分明。大驚曰。吾中刎夫之計矣。急命軍士速退。說猶未了。兩邊伏兵萬弩齊發。箭如驟雨。魏軍大亂。龐涓身帶重傷。料不能脫。嘆曰。不殺此刎夫。遂成豎子之名。卽拔劍自刎而死。將士中箭而亡者。不計其數。孫臏手斬龐涓之頭。懸於車上。齊軍大勝。奏凱而還。齊王欲封孫臏以大邑。臏固辭不受。手錄其祖兵書十三篇獻於齊王曰。臣以廢人。過蒙擢



用。今上報主恩。下酬私怨。於願足矣。臣之所學。盡在此書。留臣亦無用。願得閒山一片。爲終老之計。齊王留之不得。乃賜以石閭山。聽其終老云。

(終)



上海图书馆藏书



A541 212 0020 8725B

民國十年五月發行  
民國十一年九月五版



(小 小 說)

◎ 每冊定價銀五分

編輯者 中華書局

發行者 中華書局

印刷者 中華書局

印刷所 中華書局

總發行所 中華書局

分發行所 各省中華書局

上海  
靜安寺路  
哈同路口

中華書局

上海  
靜安寺路  
哈同路口

中華書局


中華書局

中華書局

中華書局

各省中華書局

43565



標商冊註



705077

中華書局發行

中華書局  
中華書局  
中華書局  
中華書局  
中華書局  
中華書局  
中華書局  
中華書局  
中華書局  
中華書局

1663882